

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ДОМ НАРОДА

Уставноправна комисија



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

DOM NARODA

Ustavnopravna komisija
Ustavnopravno povjerenstvo

Broj: **02/1-50-8-22-45/18**

Sarajevo,

**ORIJENTACIONI RADNI PLAN
USTAVNOPRAVNE KOMISIJE
DOMA NARODA
PARLAMENTARNE SKUPŠTINE BiH
ZA 2018. GODINU**

Sarajevo, 2018. godine

Na osnovu člana 55. Poslovnika Doma naroda Parlamentarne skupštine BiH („Službeni glasnik BiH”, br. 58/14, 88/15, 96/15 i 53/16), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) je na ... sjednici, održanoj, utvrdila

Orijentacioni radni plan Ustavnopravne komisije za 2018. godinu

I. UVODNA RAZMATRANJA

Predviđene aktivnosti Ustavnopravne komisije za 2018. godinu zasnivaju se na realizaciji uslova proisteklih iz Programa rada Vijeća ministara BiH, na specifičnim aktivnostima Ustavnopravne komisije koje proističu iz njene nadležnosti utvrđene Poslovníkom Doma naroda Parlamentarne skupštine BiH, te na odredbama pojedinih zakona kojima se regulira dostavljanje godišnjih izvještaja o radu institucija BiH Parlamentarnoj skupštini BiH.

Ustavnopravna komisija Doma naroda Parlamentarne skupštine BiH je stalna komisija. Njen rad i nadležnosti utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak BiH i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) kada Dom ocijeni potrebnim, provodi javnu raspravu o prijedlozima amandmana na Ustav BiH ili o prijedlogu zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom, kao u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, prečišćeni tekst zakona i drugih propisa kada i ako ih na to ovlaste oba doma PSBiH.

(2) Komisija razmatra pitanja koja se odnose na: pravni sistem, izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

U izradi Orijentacionog radnog plana Ustavnopravna komisija, također, koristi mišljenja i sugestije vladinih i nevladinih, domaćih i međunarodnih organizacija koje se bave pitanjima Ustava i pravnog sistema BiH i s kojima saraduje.

U Orijentacionom radnom planu bit će navedene specifične aktivnosti iz domena rada Ustavnopravne komisije, usklađene sa zajedničkim aktivnostima Ustavnopravne komisije Predstavničkog doma Parlamentarne skupštine BiH, a koje su sastavni dio Plana aktivnosti Doma naroda Parlamentarne skupštine BiH.

Orijentacioni radni plan Komisije sadrži pregled najznačajnijih aktivnosti koje će biti realizirane tokom kalendarske 2018. godine. On se utvrđuje na osnovu programa rada Vijeća ministara BiH, kao i drugih podzakonskih akata.

II. PLANIRANE AKTIVNOSTI USTAVNOPRAVNE KOMISIJE

U okviru svoje nadležnosti i u skladu s odredbama Poslovnika, Ustavnopravna komisija će uspostavljati i održavati već uspostavljene odgovarajuće vidove saradnje, te provoditi parlamentarnu kontrolu kod većeg broja institucija, uključujući:

- Pravobranilaštvo BiH;
- Ustavni sud BiH;
- Sud BiH;
- Visoko sudsko i tužilačko vijeće BiH;
- Tužilaštvo BiH;
- Centralnu izbornu komisiju BiH;
- ministarstva BiH, a posebno: Ministarstvo civilnih poslova BiH i Ministarstvo pravde BiH;
- Agenciju za ravnopravnost spolova BiH;
- Institut za intelektualno vlasništvo BiH;
- Agenciju za državnu službu BiH;
- Komisiju za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH;
- Agenciju za antidoping kontrolu BiH;
- Agenciju za identifikacione dokumente, evidenciju i razmjenu podataka BiH;
- Institut za nestala lica;
- Ured koordinatora za reformu javne uprave.

Ustavnopravna komisija će u **prvom kvartalu** 2018. godine, u skladu s utvrđenim rokovima, završiti započetu proceduru za razmatranje usaglašenosti prijedloga zakona sa Ustavom BiH i pravnim sistemom kao i za prijedloge zakona iz svoje nadležnosti, i to:

- Prijedlog zakona o sprečavanju sukoba interesa u institucijama BiH,
- Prijedlog zakona o izmjenama i dopunama Zakona o zrakoplovstvu BiH, predlagač: Predstavnički dom Parlamentarne skupštine BiH,
- Prijedlog zakona o dopunama Zakona o komunikacijama, predlagač: Vijeće ministara BiH,

- Prijedlog zakona o Državnoj agenciji za istrage i zaštitu, predlagač: Vijeće ministara BiH,
- Prijedlog zakona o izmjeni Zakona o državnoj službi u institucijama Bosne i Hercegovine,
- Prijedlog zakona o prijenosu, regulatoru i unutrašnjem tržištu, operateru sistema električne energije,
- Prijedlog zakona o pravima žrtava torture u BiH.

Razmatrat će i sve druge prijedloge zakona koje Kolegij Doma dostavi Komisiji, u skladu s njenom nadležnošću, prije zakazivanja sjednice Komisije.

Ustavnopravna komisija će u **drugom kvartalu** 2018. godine, u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom kao i za prijedloge zakona iz svoje nadležnosti, i to:

- Prijedlog zakona o izmjenama i dopunama Zakona o primjeni određenih privremenih mjera radi efikasnog provođenja mandata međunarodnog krivičnog suda za bivšu Jugoslaviju te drugih međunarodnih restriktivnih mjera,
- Prijedlog izmjena i dopuna Zakona o javnim nabavkama,
- Prijedlog zakona o sigurnosti saobraćaja na putevima,
- Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom saobraćaju,
- Prijedlog zakona o civilnom zrakoplovstvu Bosne i Hercegovine,
- Prijedlog zakona o stvarnopravnim odnosima u oblasti civilnog zrakoplovstva Bosne i Hercegovine,
- Prijedlog zakona o veterinarstvu u Bosni i Hercegovini,
- Prijedlog zakona o policijskim službenicima BiH.

Razmatrat će i sve prijedloge zakona koje Kolegij Doma dostavi Komisiji, u skladu s njenom nadležnošću, prije zakazivanja sjednice Komisije.

Ustavnopravna komisija će u **trećem kvartalu** 2018. godine u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom kao i za prijedloge zakona iz svoje nadležnosti, i to:

- Prijedlog zakona o vanjskim poslovima,
- Prijedlog zakona o izmjenama i dopunama Zakona o slobodi pristupa informacijama,
- Prijedlog zakona o izmjenama i dopunama Zakona o upravnim sporovima,
- Prijedlog zakona o ministarskim imenovanjima, imenovanjima Vijeća ministara BiH i drugim imenovanjima,
- Prijedlog zakona o upravljanju imovinom stečenom krivičnim djelom,
- Prijedlog zakona o izmjenama i dopunama Zakona o Tužilaštvu BiH,
- Prijedlog zakona o izmjenama i dopunama Zakona o Visokom sudskom i tužilačkom vijeću BiH,
- Prijedlog zakona o sudovima BiH,

- Prijedlog zakona o izmjenama i dopunama Zakona o parničnom postupku pred Sudom BiH.

Razmatrat će sve prijedloge zakona koje Kolegij Doma dostavi Komisiji, u skladu s njenom nadležnošću, prije zakazivanja sjednice Komisije.

Ustavnopravna komisija će u **četvrtom kvartalu** 2018. godine u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom kao i za prijedloge zakona iz svoje nadležnosti, i to :

- Prijedlog zakona o stvarnopravnim odnosima u oblasti civilnog zrakoplovstva Bosne i Hercegovine.

Razmatrat će sve prijedloge zakona koje Kolegij Doma dostavi Komisiji, u skladu s njenom nadležnošću, prije zakazivanja sjednice Komisije (ukoliko se Komisija konstituira),

U 2018. godini Komisija će razmatrati i druge akte koji nisu zakonodavnog karaktera, i to:

- Izvještaj o radu Vijeća ministara BiH za 2017., u dijelu koji se odnosi na aktivnosti iz djelokruga Ustavnopravne komisije, predlagač: Vijeće ministara BiH,
- Izvještaj o radu Pravobranilaštva BiH, predlagač: Pravobranilaštvo BiH,
- Informaciju o radu Tužilaštva BiH za 2017. godinu, predlagač: Tužilaštvo BiH,
- Godišnji izvještaj Visokog sudskog i tužilačkog vijeća BiH, predlagač: Visoko sudsko i tužilačko vijeće BiH,
- Izvještaj o primjeni Jedinostvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH,
- Zahtjev Ustavnog suda BiH za izjašnjenje o Zahtjevu poslanika u Predstavničkom domu Parlamentarne skupštine Bosne i Hercegovine za ocjenu ustavnosti: Zakona o izmjenama i dopunama Zakona o akcizama u Bosni i Hercegovini („Službeni glasnik BiH“, broj 91/17), Zakona o izmjenama i dopuni Zakona o uplatama na Jedinostveni račun i raspodjeli prihoda („Službeni glasnik BiH“, broj 91/17) i Zakona o izmjeni Zakona o sistemu indirektnog oporezivanja u Bosni i Hercegovini, te druge zahtjeve Ustavnog suda ukoliko budu dostavljeni Parlamentarnoj skupštini BiH, a po zaduženju Kolegija Doma naroda.
- Ustavnopravna komisija će u toku godine pratiti i aktivno raditi na realizaciji zaključaka koje je donijela u 2017. godini i koji budu eventualno doneseni u 2018. godini.
- Ustavnopravna komisija, u saradnji sa Ustavnopravnom komisijom Predstavničkog doma, planira pripremu prijedloga službenih prečišćenih tekstova Zakona o državnoj službi u institucijama Bosne i Hercegovine i Zakona o upravnom postupku. Također, u saradnji sa Ustavnopravnom komisijom Predstavničkog doma i Zakonodavno-pravnim sektorom, planira pripremu Prijedloga izmjena i dopuna Jedinostvenih pravila za izradu pravnih propisa. Planirana je i priprema drugih akata, kao što je to predviđeno članom 135. Poslovnika Doma naroda kada je na to ovlasti Dom naroda.

U 2018. godini planirana je saradnja s vladinim i nevladinim organizacijama kao i međunarodnim organizacijama. U realizaciji međunarodne saradnje, kao i poslova edukacije na praktičnim i stručnim pitanjima, s kojima se susreće Ustavnopravna komisija u okviru svojih nadležnosti, posebnu pomoć pružaju Misija OSCE-a u BiH, kao i Ured rezidentnog koordinadora UN-a u Bosni i Hercegovini.

Planiran je nastavak saradnje s Misijom OSCE-a u BiH, kao i s Uredom rezidentnog koordinadora UN-a u Bosni i Hercegovini, o temama koje budu važne i aktuelne za Ustavnopravnu komisiju. Ustavnopravna komisija planira aktivnosti vezane za problematiku ravnopravnosti spolova, a u saradnji sa Agencijom za ravnopravnost spolova BiH.

3. ZAKLJUČAK

Plan rada za 2018. godinu dat je okvirno, prema planiranim aktivnostima Vijeća ministara BiH i u skladu s potrebom za saradnjom s drugim nadležnim organima. S obzirom na to da je 2018. godina u kojoj će biti održani parlamentarni izbori, pred Ustavnopravnom komisijom mogu se pojaviti nove obaveze koje nisu predviđene ovim orijentacionim planom.

Predsjedavajući
Ustavnopravne komisije
Halid Genjac